



第七函一本

俞鯤池錄

沈推兩校

天下郡國利病書

卷九十二
計七十頁

天下郡國利病書卷九十一

防海總論

沿海自廣東樂會縣接安南界起歷海條粵為文昌界
鋪前港為會通界神應港豐盈浦為瓊州界麻頭浦呂
灣頭為臨高界田禾灣為儋州界峩詐山為昌化所界
歷白沙營為感恩縣界大洞天小洞天為崖州界牙娘
灣雙洲門為凌水縣界七十二徑牙山淡水灣為欽州
界草木營烏雷山為靈山縣界青嬰池楊梅池平江池
為廉州界邵州為永安所界泮州為康海所界濶洲為
錦農所界調洲獨猪山為石城千戶所界碇洲小黃程

汾洲為寧川所界青聚山羅浮峰為神電衛界海凌山
為雙海所界小獲山為海朗所界中獲山為陽江所界
大獲山為新寧縣界西熊山鶚洲山為新會縣界萬斛
山上川山為順德縣界石鼓峰為香山縣界蛇西山大
南常山為南海番禺界烏沙洋為白沙巡司界九星洋
為福永巡司界珊瑚洲渡杯山為東莞縣界合蘭洲為
大鵬所界馬鞍洲為鉄岡驛界寧洲山桔洲山為惠州
界記心洋為平海所界徐娘山為海豐縣界大星尖山
為捷勝所界吉頭峰為碣石衛界前標峯為甲子門所
界陶娘灣靖海畧為靖海所界大浮山玉嶼山為朝陽

縣海門所界小柑山為蓬州所界大柑山為大城所界
大京山九猴山為饒平縣界計五千里抵福建南澳山
為玄種所界歷侍郎洲石城嶼為銅山所界歷鴻儒嶼
沙沔瀛為陸鰲所界大澈嶼壁洲山為鎮海衛界小澈
嶼為月港界舊浯嶼為高浦所界嘉禾山大担山為中
左所界小担虎頭山為金門所界大登山小登山為福
全所界大捕山小捕山為永寧衛界埕埭峯獺窟峰為
崇武所界沙塘灣為惠安縣界嶸嶼白嶼為峰尾巡司
界湄洲山為南泉寨蒲禧所界石獅峯小灣峯為平海
衛界埕口三江口為冲心巡司界網山王家嶼為萬安

所界六湖山碧水島為鎮東衛界踵門山為蕉山巡司
界日嶼月嶼為梅花所界即會城三波礁五虎粵為連
江界下千塘四嶼為定海所界花瓶為北茭巡司界飛
鸞渡為寧德縣界青山峯為大金所界天干山丁家程
大俞山三星山流江為福寧州界計二千里抵浙江懸
中峰為蒲門莊士二所界歷長沙^門大崑山為金鄉衛界
鳳凰山為平陽所界銅盆山為沙園所界仙口峯飛
雲渡為瑞安所界大衢山海安港為海^安所界霓輿坡山
為寧村所界黃華港為般石石衛界大岩頭為磐石後
所界前山雙斗門為蒲岐所界九眼塘斗門閩為三山

巡司界了髻峯為楚門所界臨門隘為隘頑所界省梅
坑為沙角巡司界大陳山石塘港為松門衛界金清閘
西嶼閘永豐閘皆朱文公所造為新河所界金沙灘錨
礁為海門衛界海門港為海門前所界五嶼為桃渚所
界三門山為健跳所界石浦港為前後二所界青苔灣
為昌國衛界小目山為爵溪所界西厨山為前倉所界
孝順洋白塗為大嵩所界大射山為穿山後所界落茄
山長白山為中左所界大魚灣為長山巡司界招寶山
中子山為定海衛界金家畝為寧波界邱家洋為慈谿
界金塾浦為龍山所界松浦港為松浦巡司界黃山為

天下郡國利病書 卷九十一
觀海衛界破山浦為三山所界化龍浦為餘姚界臨山
港為臨山衛界西海塘為上虞界漁山蒙池臺為紹興
三江所界蟹子門為蕭山界和尚山栲門為會城界茶
浦門為海寧所界大衢山小衢山為澈浦所界桑扶山
為海寧衛界西海口馬蹟山北丁興殿前山淡水門為
乍浦所界計二千七百里抵南直隸三姑山為金山衛
界胡家港為金山巡司界上釣山中釣山下釣山大盤
山為青村所界蒲畧為南匯所界陳前山茶山為南蹇
巡司界寶山為上海界永字山分水礁海礁山綵淘港
為吳淞所界浪岡山顧涇港為嘉定界竺箔沙送信嘴

小團沙新安沙為太倉界太陰沙管家沙為崇明界福
山狼山三槿口為通州千戶所界唐家港海門港為泰
州界亂沙新洋港為鹽城界開山淮河口鶯山為安東
界妨山高公島為海州所界清河口已頭河為贛榆界
旬島勞山島為安東界孤耆山為石臼所界計一千八
百里抵山東青沉峯界歷胡家峰為高港巡司界沙嘴
峰為靈山衛界黃埠峰為夏河寨界洋河峰為膠州界
大勞山田橫島為鰲山衛界走馬峰為即墨界馬山為
浮山所界旬島赤島為雄崖所界吾島徐福山為大山
所界巨高島為大嵩衛界竹島為海隅所界松島莫邪

島漫雞島為靖海衛界佛島為津寧所界五疊島下勞
山為尋山所界歇馬墩洛口堡為成山衛界海牛島為
不夜城界竇家峰為百尺岩所界古陌頂為威海衛界
文島為金山所界新安堡戲山峰為寧海衛界海雞山
為竈河寨界武家庄為馬埠寨界洋山為萊州界八角
島蛭蟻島為登州界劉家窪為盧洋寨界沙門島為解
宋寨界單山為黃縣界桑島為馬停寨界龜島為昌邑
縣界歇未島為壽光界都里鎮為蒲臺界青島為利津
界黃島為濱州界直沽口為寶坻縣界塔山為盧龍衛
寨界南半洋山為昌黎縣界計一千二百里抵遼東北

半洋山為山海衛界蔬菜島為中前所界牛車島為中
後所界孤山為中右所界向陽島羅兜島為金州衛界
石灘島為中左所界東雲島黃駝島為蓋州衛界屏風
山為復州衛界鳳凰山為中左所界女兒河為中屯衛
右屯衛界遼河渡古寺島為廣寧衛界麻田島平島為
海州衛界湯站堡為鎮遠所界臨江為義州界計一千
三百餘里為鴨綠江朝鮮界摠其入寇則隨風所之東
北風猛則由薩摩或由五島至大小琉球而視風之變
北多則犯廣東東多則犯福建正東風猛則必由五島
歷天堂官渡而視風之變東北多則至烏沙門分艚或

天下居國和病書 卷之二
過韭山海關門而犯温州或由舟山之南而犯定海犯
象山奉化犯昌國犯台州正東風多則至李西畧壁下
陳錢分艤或由洋山之南而犯臨觀犯錢塘或由洋山
之北而犯青南犯太倉或由南沙而入大江犯瓜儀常
鎮或在大洋而風歛東南也則犯淮陽登萊若在五島
開洋而南風方猛則趨遼陽天津防倭者以三四月
為大汛九十月為小汛向之入寇者薩摩肥後長門三
洲之賊居多其次則大隅筑前筑後博多博人善造舟
而豐前豐後和泉之人間亦有之乃因商^商於薩摩而附
行者

廣東列郡者十分為三路高雷廉近占城滿刺諸番烟
烽希曠中路東莞東路惠潮皆倭寇不時出沒之地而
東路尤為要衝若柘林者則又必東路控賊之咽喉門
戶也無柘林是無水寨矣無水寨是無東路矣瓊州四
面環海東西九百里南北一千一百四十里長山峻嶺
三黎錯居其間而五指腹心盡為黎據群岡之中定海^安
尤險稍或撒備門庭皆勁敵矣頃因辛丑之亂舉兵討
平事雖大定險終在夷識者欲于羅沽岡據以重兵斷
其往來竄伏噫必如^是而後為久安之計乎福洋烽火
門寨設于福寧州所轄官井沙埕羅浮為南北中三哨

後官井添水寨則又以羅江古鎮分為二哨是在烽火
官井當會哨者五小埕水寨設于連江所轄閩安鎮北
茭蕉山等七巡司為南北中三哨是在小埕當會哨者
三日南水寨設于莆田所轄沖心蒲僖崇武等所司為
三哨而文湧港則近添設于平海之後是在日南當會
哨者四浯嶼水寨設于同安上自圍頭以抵日南下自
井尾以抵銅山大約當會哨者二銅山水寨設于漳浦
北自金山以抵浯嶼南自梅嶺以達廣東大約當會哨
者二由南而哨北則銅山會之浯嶼浯嶼會之日南日
南會之小埕小埕會之烽火而北來者無不備矣由北

哨南則烽火會之小埕小埕會之日南日南會之浯嶼
浯嶼會之銅山而南來者無不備矣哨道聯絡勢如長
蛇防禦之法其能踰此耶總計八閩之地二面當海者
二興泉是也一面當海者二福漳是也其要害地如晉
江深庵獺窟興化沖心平海龍溪海門漳浦島尾南靖
九龍寨溪是也然莫有如福寧之尤險者三面孤懸海
中如人吐舌賊入必首犯之舊寨設于州東北六十里
三沙海面後焦宏倡議棄徙松山今必復舊而後可乎
浙江沿海舊設四總今增為四叅六總矣四叅者杭嘉
湖一寧紹一台一溫一也六總者定海昌國臨觀松海

金盤海寧也悉其防禦之制自內達外有三重焉會哨于陳錢分哨于馬蹟羊山普陀為第一重沈家門馬墓之師為第二重總兵督發兵舡為第三重備至密也乃若定海者是寧紹之門戶舟山者又定海之外藩其地則故縣治也為里者四為畧者八十有三五穀之饒魚鹽之利可供數萬人不待取給于外非若普陀諸山比也 明初置昌國衛于其上屯兵戍守誠至計也信國經畧海上以其民孤懸徒之內地改隸象山識其小而未見其大也蘇公為畿輔望郡濱于大海自吳淞江口以南黃蒲以東海壖數百里一望平坦皆賊徑道往往因

不能禦之于海致賊深入其禍慘矣今建議者曰松江之有海塘而無港口者則自上海之川沙南匯華亭之青村柘林凡賊所據以為巢穴者各設陸路把總以屯守之而金山界于柘林乍浦之間尤為浙直要衝特設總兵以為陸路各將之領袖又于其中添設遊兵把總一員專駐金山往來巡哨所以北衛松江而西援乍浦也至于蘇之沿海而多港口者如嘉定之吳淞太倉之劉家河常熟之福山港凡賊舟可入者各設水兵把總以堵截之至于崇明孤懸海中尤為賊所必經之處特設叅將以為水兵各將之領袖又于其中添設遊兵把

總二員分駐行治營前二沙往來巡哨所以遠哨海洋而遮蔽港口也內外夾持水陸兼備上之可以禦賊于外洋下之可以巡塘而拒守亦既精且密矣乃若淮揚二郡介于江淮之間東瀕大海三面隄防考其形勢起自東南蓼角嘴抵姚家蕩綿延四百里除安豐等三十六場俱在腹裏未為要害要害之處乃通州也狼山也楊樹灣裏河鎮也餘東餘西等場也蓼角嘴呂四場也掘港新閘港也廟港劉家庄金沙場也其尤要者有三曰新場為其出入至近逼揚州也曰北海所為其通新閘港且有鹽艘聚泊也曰廟灣為其巨鎮而且通大海

口也須設三把總以駐之仍用陸路遊擊一員駐劉海安則東可以控狼山通州海門之入而西可以捍禦揚州矣倭患之作嶺嶠以北達于淮揚靡不受害而山東獨不之及者豈其無意于此哉良以山東之民便鞍馬不便舟楫無過海通番之人為之嚮導接濟耳所虞者登萊突出海中三面受敵且危礁暗沙不可勝數非精練之至則舟且不保何以迎敵而追擊乎故安東以北若勞山赤山竹篙早門劉公芝界八角沙門三山諸島乃賊之所必泊而我之所當伺者若白蓬頭槐子口橋鷄鳴嶼夫人嶼金勞石倉廟淺灘亂磯乃賊之所必避

而我之所當遠者當事諸臣無恃其不來恃吾有以備之造舟選卒練習故當將來 廟堂或修海運以備其虞亦大有賴焉獨禦寇云乎哉遼東古營并地也其背為沙漠花當吉列迷諸部落在焉其面為滄溟其餘氣為朝鮮至明朝設瀋陽遼陽三萬鉄嶺四衛統于開原以遏北狄之衝金復海蓋旅順諸軍聯屬海濱以防島夷之入東北藩籬可謂固矣洪武初倭奴以玩南方之心而玩遠東遠人以禦北狄之法而禦倭寇斬滅無遺海氛蕩熄劉江金線島之捷是已二百年來邊敵無故倭敢遽犯我但地方千有餘里馬步官軍九萬員名止藉山海關一路饋餉我 朝北都燕而遠漕江南粟又自京師達于遼陽飛輓不繼何以食之此其患非渺小矣通者登萊運米達遼甚便惜未多耳愚謂 國初軍屯商中之制至為精當而大壞極敝司國計者當深念而亟圖之不當專責幕帥而已也

八閩

食貨

民惟邦本而食貨則所以養其生資其用者也閩地負山濱海平行膏腴之壤少而崎嶇磽确之地多民之食出于土田而尤仰給于水利民之貨出于物產而尤取資于坑冶凡是數者非獨民賴以生而土貢財賦亦由是而出焉嘗考之于史唐之時民物尤未甚蕃故其貢賦亦未甚夥及王氏僭偽遂以區區數州之地而供宗廟百官之費尋復兄弟相殘分裂割據百役競興用度不足乃增田畝山澤之稅至于魚鹽蔬果無不倍征民

之財力至是竭矣宋興猶未能盡革南渡以來軍國之需皆仰給于江南供億繇重固其宜也至我國家稽古立法貢篚有常賦入有等而凡前代一切無名之征始盡除矣

福州府

戶口

論曰予嘗考歷代草創井邑蕭條蓋百姓新去湯火故爾及治平日久則未有不滋植者也舊志載正德時戶口視洪武間不能增十之一二頃視正德又無所增矣夫國家治平晏然無事二百年于茲即前古未有也休養生息涵濡汪濊固宜數倍于國初時而民不加多豈有是理哉抑或有司未稽其實而奸胥蠹吏得為僥倖者地耳舊制凡十載一籍其民大抵足舊數而止此敝政也夫一邑之戶始衰而終盛一族之人始寡而

天下郡國利病書 卷九十一
終衆奈之何必因其舊也哉是故豪宗巨家或百餘人
或數十人縣官庸調曾不得徵其寸帛役其一夫田夫
野人生子黃口以上即籍于官吏索丁錢急于星火此
所以貧者益貧而富者益富也又自倭寇以來軍儲徵
求催督傍午皆出于田瘠土之供竭矣不毛之宅無職
事之人終日美衣甘食博奕飲酒市井嬉遊獨不可稍
舉古人抑末之政以紓力本者之困也耶為今之計欲
使戶無匿丁則莫若凡訟于官者必稽其版凡適四方
者必驗其編則戶口可覈戶口可覈則賦役可均不惟
足國裕財民驅民于農亦無便于此者矣

土田

土田之目有三曰官田曰民田若職田若學田若廢寺
田若沒官田若官租地皆係之官而佃于民者與民自
占田及寺田官未斥賣悉書于籍其則有輕重官田有
科米三斗上下者以三錢五分為率五斗者三錢而止
七斗者二錢五分而止搃之稱官則而蠲其別差若民
田之米自五升而上其則不一其間有水塌沙崩浮糧
未豁新墾初懇未及首正升科者萬歷七年撫按會題
奉 旨稽覈履畝丈量均勻攤補其畝視田高下為差
其則以縣原額為定截長補短彼此適均則壤成賦民

間無不稅之田計畝均糧公家無不田之稅法最善也
其後縣官更代不常而積猾奸胥那移改換恣易其籍
除一蠹復生一蠹卒無有能究詰之者

秋糧

國朝定制宇內郡縣輸粟京師後以閩隔山海令官田
米各分本折每石以五斗折色徵銀解京以五斗本色
存留各倉廠民米以十分為率七分各徵本色米派倉三
分徵折價銀解京即金銀花至沈御史灼奏准凡官米
俱折銀解京免輸食民米每石半本色米五斗輸倉為
官吏師生俸廩及軍士之月糧半五斗折色徵銀二錢

五分中分其半解京其半湊補各倉糧給軍解京者加
損索五厘輸倉者加耗米五升歲以秋杪督糧道坐派
各縣于十月開倉入之

網派

憲綱經用者名曰網銀以見役坊里長供之若慶賀接
詔迎春視學祀典之當舉者鄉飲酒之再行者校文
閱武之當賚者貢士于禮部者資其路費邑之廢疾孤
貧給其衣糧行部及士大夫之往來者有餽牽牢醴官
長始至有郊勞致館門祭堂燕輿蓋器什冬夏易其研
席歲終供桃符花燈正雜諸綱一切取辦至無筭也

國初以里甲繫民十載者役所領惟催徵勾攝載在令甲願役使支應官府諸費未知作備何人坊里供役勢易凌迫雜物私饋多為糜費吏皂如虎抑索沓至故有米石丁一而費至數十金者坊郭之長尤苦焉嘉靖末諸監司始議官當著為令以丁及米若干徵銀若干責辦該吏支應誠良法美意但坐派于見年之里役名猶未除萬曆六年巡撫龐公尚鵬巡按商公為正協議行一條鞭法盡以週歲經用多寡籍其縣丁之米歲一徵論曰古布縷之征今夏稅是也古粟米之征今秋糧是也古力役之征今徭綱諸力差是也自唐立兩稅

法後世遂因以為常乃今取并之一時即兩稅之法亦邈不可復矣

徭役

徭力役之征古法也 國初酌編而行之編于屬縣人在官者視事錄簡給其稍食有銀力二差亦宋催役免役之遺意力差若兩院督撫上司府縣各衙門門子皂隸書手庫子獄卒鋪兵儒學殿夫門子斗級庫子及驛館夫倉斗級巡簡弓兵稅課巡攔各分司公館與書院祠壇門子橋渡廠夫之屬銀差若長夫上中二解戶各衙門祇候馬夫儒學齋夫膳夫借撥皂隸之屬徃者歲一

編之以見年里甲後五年應役其中銀差稍輕力差如
斗級鋪兵館夫諸屬所費溢額派倍蓰其甚者則庫子
庫子本備筦收役使耳縣官視為甲幹公私之費悉資
取給其破產者什之九隆慶間議以縣吏充庫子秤收
宿弊稍蠲而若鋪兵斗級有代者猶多索催直萬曆六
年行一條鞭法以十年摠編盡清管戶之重免者諸邑
丁米稍裕與催直又多贏餘無復輕重不均之嘆矣

丁米科

國朝上供之數洪武間有雜色翎毛皮角弓弦箭及荒
絲之貢永樂以後有紅白糖藥味黃白蠟細茶牲口諸

色物料有額辦歲辦雜辦或為本色或為折色額辦有
定額歲辦不常徵雜辦于二辦之外又有泛雜名目在
成化間所辦不過十三種弘治間增至二十三正德間
所貢無多倚辦該年里甲名數細碎增減因革有司莫
能究詰吏胥因緣為奸利虛派侵沒其弊益滋沈御史
均始通計各縣應辦物料融派丁米槩徵銀八分送府
轉輸民以為便嘉靖二十六年議附由帖徵銀解布政
司類輸京師先是徵派視料數稍益後因倭寇軍興復
增其數以補足軍需萬曆六年龐都御史尚鵬議行一
條鞭法酌盈劑虛復以八分為末減而民益稱便矣

鑛冶

論曰山冶之當罷也漢時大夫文學詳言之矣惟是鑛
禍最烈亡命無賴逋逃作奸小則爭掠大則嘯聚盜之
罔寇之藪也材記 今上士辰浙人王君錫奏開易州
鑛 旨下大司徒議時材叨戶垣聞其交結夤緣將必
得請遂偕馬右諫邦良執奏謂 聖明在宥奸人以利
罔不宜聽且易州鄰虜萬一剽聚持之急則北走胡是
兆禍也疏入 上幡然逐之令勿潛住別生奸越數年
新建張學士位秉政軸以為利出于天地所自然可益
國無病民採之便 上從其言而毒流區宇矣材曩侍

交戟下每見 上睿智天縱迥出千古獨輔之者非其
人不以道耳今東南之力已竭輪臺之悔尚稽誰生厲
階至今為梗嗚呼長 國家而務財用必自小人信夫

鹽課

閩之場其隸吾郡者福清有二一為海口場一為牛田
場其鹵地皆掌于司附海為鹽戶主煎作依山為灶戶
供薪木後專曝晒令灶戶以銀伐薪為僱直鹽灶戶每
米一石准夫一丁着令復其身仍給工本鈔日辦鹽一
斤四兩積三百六十日為一引四百五十斤以入于倉
嚴私販之禁民男女成丁者歲給鹽三斤徵米八升謂

之鹽糧後罷米折鈔每丁口每歲納鈔六貫每貫折錢
二文中半折之為鈔三貫錢六文閏月則筭而加之倉
鹽給口食餘者以給商販久之民不復支鹽納鈔如故
其私鹽擔負不及數于法無禁私販多白鹽易售入倉
類低黑散雜鹵壤賈人又慮就場險阻輒置引市私鹽
充數由是倉鹽積久虧耗丁夫困于賠累依山戶縣又
不免其雜役編戶重稱困矣然遵戶部奏准各折銀米
以足軍需遂罷辦鹽入倉之例工本鈔亦復住支

論曰閩之壤什五依山什五襟海非若江淮吳楚之
郊舟帆所畢通車轂所交界也行鹽之界不過依山

四郡止耳地匪廣輸賈無贏篋時逢平世市絕橫征
則商固可執策而取餘官亦可待籌而收積乃今增
引加課駢拇枝指蠹尾跋胡得以錙銖失以什伯于
是商日困而權日紛矣

魚課

國初立河泊所權漁利遣校尉點視以所點為額納課
米其後漁戶逃絕米責里戶辦納不敷乃有折徵之令
每米一石半納本色五斗折色五斗輸銀二錢五分編
戶猶稱重困至弘治七年巡按御史吳一貫奏准不分
本折並徵銀三錢五分

軍政

衛兵有三曰征操軍曰屯旗軍曰屯種軍征操軍者入則守城謂之見操軍以時訓練出則守寨謂之出海軍按季踐更均月給米八斗如銀則月給四錢惟外衛所軍有出外海及守烟燉者每月給一石如銀則月給五錢更有選練備戰餘丁亦月給米八斗其軍戶有幼弱及老疾者則優卹之或月給七斗六斗三斗各有等差如給則視其斗數以定銀多寡屯旗軍者乃國初奉紅牌及樣田事例之屯軍也屯種軍者即現在頂種之屯軍也此二項軍第歲視受田之數輸糧于官並不沾官

餼自正統間鄧茂七之亂郡方戒嚴調屯軍以為防守始有給八斗者今已報罷客兵者舊制無有也嘉靖三十六年郡苦倭寇巡撫始有調廣西向武州兵禦之者未幾遣歸四十一年倭寇又入巡撫告急鄰省總督都御史胡宗憲遣叅將戚繼光以所練義烏兵八千人自浙來援與倭戰大捷明年巡撫譚綸與繼光以浙兵平興北之寇斬首萬餘級乃奏留浙兵戍閩散于八郡而開府與帥府駐在省會故聚兵尤多令環處教場統以將領名曰浙營其營有六數大抵不下三千餘人

海防

水寨自洪武初命江夏侯周德興經畧海徼備倭衛所
 巡簡司築城數十防其內侵又于外洋設立水寨初惟
 烽火門南日山浯嶼至景泰間增置小埕銅山共五寨
 成化末當事者以孤島無援奏移內港內港山灣崎嶇
 賊舟窄小易趨淺水而兵船濶大難于迎敵遂致失利
 嘉靖四十二年巡撫譚綸始請復舊制五寨以扼外洋
 其原屬福州者烽火門與小埕後烽火改屬福寧惟小
 埕專屬馬南日舊隸福清今屬興化隆慶初始添設海
 壇浯銅二遊兵萬曆初尋增南灣嶺山屬興化湄洲三遊海壇
 遊則屬福州嶺山屬福州南灣屬漳州寨遊各有把

總一人統其眾寨總由武進士或世勳高等題請陞授
 以都指揮體統行事謂之欽依遊總由撫院委差或以
 指揮及聽用把總督領謂之名色各為分汛地嚴會哨
 賊寡則各自為戰賊眾則合力以攻時值春秋二汛必
 駕樓船以備海外憲司巡海道與郡海防館視防守之
 疎密而差次殿最焉

小埕水寨在連江縣定海所前今定額船四十六隻官
 兵一千六十四名北與烽火門會哨南與南日會哨西
 洋下目下竿塘白犬皆其汛地省會之門戶也

海壇遊在福清海壇山山故唐牧馬地宋初置牧監尋
 罷聽漁民就耕增兵守之洪武

初守備李彛要金于壇眾弗與彛奏徙其民于內地遂為盜種之區隆慶初始建遊兵于此額船二十隻官兵六百六十九名泊海壇汎地與南日兵船協守

按寨與遊之初設寨必用世胄及勛陞者欲尊其體統令有以御舟師悍眾志也至遊第用材官及良家子所以便吾鞭弭可使飛伏應援耳故寨為正兵遊為奇兵寨可以分疆言遊難以汎地執也近槩題請欽依其設一遊一寨相間以居俾分疆不淆而汎地各守此徒足塗觀聽耳夫指臂不聯則秦越異視輔車既隔則唇齒莫依幸無事也若執成犄角倘變起

倉卒而觀望參商庸足賴乎殆與先臣請設立把截寨凡十有一

長樂四 廣四 仙崎 黃琦 東山

連江一 光臨 里

福清六 松關 永平 白鶴 峯頭 大坵 牛頭

捍寨凡十

閩縣一 右嶺

長樂一 大社

連江一 北茭

福清七 松下 平北里 平南里 沙塢 連盤 長沙 峯頭 福建

烟燉凡六十有七

閩縣十一鳳浦東崎長崎琅崎旺崎海嶼象洋鼓山拱

長樂二十有二浪頭廣石魁桐基山斗湖

井蕉山牛山湖頭聖浪山小亭山塔山壺

福清二十有七松下峯前大坵後營白鶴

仙岩前晏白塔桃嶼燕積雙嶼

前村洪坑密山西嶺蒲海陳塘

瀟頭峯頭石馬

戎器

兵器甲冑干戈之屬衛所軍匠為之有定式有成數都指揮視其利鈍而藏之庫三衛舊各有庫弘治四年始

設武備庫合而藏之 銃砲火箭噴筒之屬謂之火器

三衛置局藏之其外衛所則取兵器于庫局 又有歲

造解京軍器府衛並造取辦于料銀不足徵之屯耗折

鈔衛所造故有軍三民七之目 防海之舟曰官船曰

快船曰哨船委指揮一員造之三衛舊各有廠景泰間

始併為一廠在河口隆慶元年改設于橋園洲郡寨遊

外更烽火日南浯嶼銅山四寨不隸福州衛亦造舟于

此

論曰郡之戎器歲有督造顧器一而直十工之家四胥之家六甲冑苦惡器械巧鈍所從來矣上下相蒙

利弊相續久之皆烏有也至于戰艦其費倍蓰歲糜
金錢抵寔奸橐收汎撤兵守之則羸卒連艘積水觸
之則虛舟也夫器不堅好卒不服習趨利弗及避難
弗畢塵飯塗羹直兒戲耳噫安得臨敵合及如楚劍
戟之利而教習水戰若越之舟師也豈憂倭奴哉

屯田

屯田之制固古者寓兵于農意也我 國初籍民為軍
乃講此政度郡屬地閒曠者或取諸廢寺及籍沒之產
聽其耕作以為屯田而我郡在城三衛與鎮東一衛亦
不一四千餘頃顧國初新附之籍有從他衛所徙而至

者海濱幅員未廣亦有屯軍士他郡之田者外又有紅軍士
牌及樣田諸例者要之在洪武時軍則稱舊屯在永樂
時軍則新屯而屯無論新舊每分給三十畝歲輸正糧
糧一十二石餘糧一十二石正糧給本軍月餼餘糧給
守城軍士固其槩也第征糧設正餘兩額又各取盈于
十二石之數法非什一軍士稍厭苦之後論者乃罷其
正糧不復征餘額又減其半只征六石復計其田之腴
瘠分為本折色本色為存留輓粟入倉以給軍士之月
餼折色為起運納價于屯官以備軍興及解京之雜需
至折色之中又分為舊額新增而稍差等之比歲終憲

使之督屯使者視其賦之登耗以署衛屯官之上下考

論曰國初屯制一軍一餘各受三十畝而耕持戟之

士即荷畚之農故士無曠伍屯無溷冒也自後以來

軍餘半平居市廛不能親耨耒耜于是始有寄佃于土

人而分其息者有私充於他姓而更其名者又有丁

盡籍空而轉為別軍所承頂者世久弊滋舉數十屯

而兼併于豪右比比而是昔林文恪先生謂宜因均

田之會無憚跋履盡括舊地并其新墾勿令豪強更

得侵冒擇其膏腴者給衛丁壯令自食其力有急用

之則可以漸省客兵此亦漢人寔塞下之良策也其

議洵不可易第頂踵已越百年轉鬻不下數姓若徒

取之豪右則彼原以厚直售之非欲付之丁壯則彼

又不能以空拳得之捉衿掣肘策將安施是故清屯

之議尚當熟圖必使民收舊直之價軍獲寔屯之受

而後兩得其當也至于徵賦專屬衛所之官愚亦以

為否否夫國家武臣不獨錢穀何獨典於衛官而寬之

黃緣請托進司利權染指既甘漏卮無當因而覆券

者何可勝數倘分之附近各縣並為帶徵則官保其

先世汗馬之勲軍免于頻歲侵漁之苦矣

福州潮汐

閩之水海為最大自東迤南襟帶五縣閩之東南長樂
 之東北連江之東南羅源之東福清之東南東北皆海
 也海潮從東南來南則由粗虜門北湧東則由日安鎮
 西湧皆會于馬頭江復分為二人一入西峽一入南臺
 合于馬瀆竹崎與水口下之溪相接乃回流而汐馬是
 潮也在永北合北地方猶兼鹹鹵至馬頭江則皆淡矣
 瀕海可田之地唐太和中閩縣令李葺築石堤跨閩與
 長樂東界以障鹹鹵墾田無數又有一等洲田潮至則
 沒米沙而無害于禾不假人牛而收獲自若有力之家
 隨便扦插但東流西復遷徙不常利害亦相當云今將

潮信具列左方

每月初一	十六	寅正三	申正三
初二	十七	卯初三	酉初三
初三	十八	卯正三	酉正三
初四	十九	辰初三	戌初三
初五	二十	辰正三	戌正三
初六	廿一	巳初三	亥初三
初七	廿二	巳正二	亥正二
初八	廿三	午初初	子初初
初九	廿四	午初三	子初三

初十	廿五	午正一	子正一
十一	廿六	午正四	子正四
十二	廿七	未初三	丑初三
十三	廿八	未正二	丑正二
十四	廿九	申初一	寅初一
十五	三十	申初四	寅初四

此海潮之候也江潮常緩海潮三刻至入府城內外諸河則愈緩矣又當視其近遠為先後各以意推其他視船貿易往來淮浙交通之間各以十五潮為準

福寧州志 海潮之候每月以朔望為期以漲半滿退

半乾六字為準如初一寅時漲卯時漲半辰時滿巳時退午時退半未時乾大率兩日同一潮汐之時候以掌輪之自寅逆數至丑周而復始一定不差一月合而一周月大月小潮亦隨之但外海內海大港小港之期候稍有不同搃不差晷刻耳渡海者亦以此法算行舟泊舟之程若郵舟舍然海邊捕魚者則有起水小水之說如月頭以十一二為起水至十八九止為小水月尾以廿七八為起水至初七八為小水起水則捕魚小水則止也

興化府

寺稅充餉緣由

嘉靖四十二年閩省兵興軍儲告匱軍門議將各寺田產扣除迷失崩陷外每寔田十畝扣抽六畝充餉四畝還僧充餉者每畝徵銀二錢內除一錢四分辦納糧差餘銀六分解司隆慶元年軍門塗澤民明文將寺觀菴院官民田地山蕩俱照黃冊原額盡數查出各依原議六分充餉事例官田每畝徵銀二錢內扣一錢五分辦糧差民地每畝徵銀一錢內扣三分糧差山蕩每畝徵銀五分內扣一分糧差民田每畝徵銀二錢內扣八分

糧差俱存縣貯庫隨項支納其扣餘官田每畝銀五分
民地每畝銀七分山蕩每畝銀四分民田每畝銀一錢
二分縣徵解府轉詳荒蕪解迷失產業申請停徵

按寺田四六充餉寔出軍興權宜之策後沿為例遂
不可更故隨時斟酌不同萬曆六年軍門龐每十畝
只抽二畝十一年軍門趙每十畝議抽四畝五分十
六年軍門周每十畝只抽三畝大抵旋行旋止此僧
所以告困也田鬻寺廢比比然矣

鹽課

上里場鹽課司隸福建都轉鹽運使司莆以灶戶役者

凡二千五百六十六家分為三十六團有總催有秤子
有團首有埕長皆擇丁糧相應者為之其冊十年一造
隨丁糧消長每鹽一引重四百斤每歲辦鹽共二萬二
百引一百八十斤零八錢內依山灶戶該辦鹽一萬五
千八百九十二引二百六十二斤七兩四錢初由煎煮
依山灶戶出備柴薪銀兩附海用力煎辦鹽斤有無相
須稱為兩便後由曝晒近海灶戶漸生勒指依山遂至
靠損許告分巡僉事年俸定與則例每依山灶戶該納
鹽一引出銀二錢五分交與附海代替晒辦還官每歲
總催人等各照團分催徵總計銀三千九百七十三兩

一錢六分三厘八毫總緣乾沒多端逃竄者百出官府思
係國課未免重複追徵因奉戶部勘合該聽選官曾
音德奏准將依山灶戶折徵銀兩通解鹽運司候客
商開中對引買鹽支用人以為便

民間戶役最重者莫如鹽戶蓋軍戶則十年取貼軍裝
匠戶則四年輪當一班鹽戶既與軍民諸戶輪當本縣
十年之里長又輪當鹽場之總推團首秤子埕長依山
者謂總推團首附海者謂秤子埕長總推秤子即民之
里權也催團首埕長即民之甲催也每十年攢造鹽冊又
往省赴運司候審至見當之年正差之外凡鹽司過往

公差牌票下場及該場官吏在官人役等費輪月接替
支應賠贖需索之苦過于民矣况場官白首窮途吏胥
門隸復不可制加以積棍包當多取上下交征非竭澤
不止又軍民諸戶遞年均徭驛傳之編凡民正米一石
只派銀二錢上下鹽戶每年每丁既納銀二錢五分每
糧一石納銀五錢五分尚有私貼脚費及催募鹽丁等
役輕重懸絕嘉靖四十三年攢造鹽冊時殘破之後濱
海死亡殆盡運司以該場鹽價不滿原額將各戶新收
田地每頃加收虛丁四口比諸國制又加多銀五分
鹽倉原置附場常壙山後因附海人戶告准各就地方

置立倉廩便于脩葺者守在南洋者三倉在北洋者三倉隆慶二年鹽商告復附場常曠山建立倉廩三十一間徵輸運納但離海寫遠搬運者守不便自嘉靖以前通就通口牛田二場買鹽應幫而上里場之鹽只到場空剪引目益引依時索價上曠之設寔虛名耳屢經倉告復舊處或從改折便民當事者烏得以因循為無事哉附益法議

萬曆四十年莆田縣布衣陳天叙目擊灶戶之苦因赴京奏請為鹽法弊害懇恩比例酌處急甦民命事軍司江大鯤詳院道家批司府會議本府知府馬夢吉議

上里場附海本色照依浯泐浚溪惠安四場事例改折全課利民等情據此查得上里場附海鹽斤舊制倉立隨團灶戶輸鹽于倉以俟商人到場支鹽此成法也嗣後倉移常曠山商又因海運危險絕不到團只將引目赴場空剪惟聽奸僧勒索灶戶折價商人僅得三分之一赴海自買鹽虛言樣船到港某日開價將引照鹽過鎮則商人之不支鹽非變法乎既不支鹽復令灶戶輸鹽入倉鹽之所輸無幾進倉使用常例每冬計費四兩每團十冬計三十六團所費不知凡幾此納鹽之害也鹽朝進而暮偷倉隨蓋而隨撤出巡邊儲兩次查盤倉

益俱無奸棍乘机科歛經營免罪各冬之中狡猾者少
費愚朴者多費少者數兩多者十數兩通團計之所費
不知凡幾貧而擬徒抑又甚矣此查盤之害也派益出
商奸僧昏徒賄賂相通有應派而不派未應派而先派
稍不如意故留厥底益不盡派以延查盤是以有窮灶
數年不派而數經查盤者此支派之害也商人到場出
支則店家下鄉勒索私價每引得銀一錢二分只以四
五分還商商仍將貨物抵折商灶原不會面有已收作未
收收多作收寡奸僧以空剪引目制商人商人亦自知
非法而曲從竭民膏血以飽奸貪既已上益又折私價

私價之外又有出倉常例湯水等費此折私價之害也
折價之時不問各冬只責見年中間各冬有引多者有
引少者如一冬見年中九冬俱係見年代納輪流見年
則輪流代納多者與少者納易于除還至少者與多者
納則無可除未免賠累此折私價不均之害也本府目
擊民艱甚切痼瘼合無照依上里場牙僧年與商人抵
折五分之價令場官收貯不許生事多索各冬多寡自
行辦納見年只理催償不得賠累商人齎引到場點引
給價聽其海口買益查盤稽其完否不完者罪如是則
商灶兩得其便牙僧莫施其計成法不必盡更虛設益

倉可廢無辜之罪贖可盡蠲矣運司署印支如璋議倉
立附場以官為守聽商來支蓋完則灶無問可也場官
報完商人不至罪坐在商與灶無預官收官放牙僧何
所廁其奸隨足隨支查盤無罪可赦矣帶管蓋法道呂
純如議舉灶戶告訴之情則甚苦據商人支蓋之名則
甚正名正者有 國初之經制在制遽難輕變自當持
成法以防趨便之私情告苦者有本院捐贖之德意在
贖可盡捐又何必用查盤以致灶民之藉口本道認為
兩言以蔽之改折之議官不可著之令也而查盤之後
及今猶可報罷也他如隨場立倉以官為守蓋一完則

灶無問商不至則罪在商該司之議已為得之顯候憲
示以衷群情軍門丁繼嗣批據該道覆審謂灶戶懼罪
而議告折商人執舊制之議支蓋已娓娓言之詳矣但
國初經制遽難輕變改折之議似不可執以為常設
查盤之役可以報罷則已之可也諸如隨場立倉以官
為守該司之議甚善俱如照按院陸夢祖批海灶輸蓋
商引剪支二百年今甲俱在况上里場受益更多乎商
灶不務完蓋擅叩 九關欲撓 國法大不可訓道司
辨之悉矣場官立倉為守完蓋不罪灶不支止罪商彼
又何說之辭悉照行惟是查盤一廢則蓋之為官為私

灶之孰完孰欠一任縱橫誰其問之以後盤之無苛如
有力改稍力稍力改決不輕擬徒與以法外之仁可

墩臺 舊志所載凡墩臺五十九所萬曆二年分守
已領宋豫卿巡歷沿海查出見存僅一十七所俱
支帑銀重新改築

小澳

蔡山

石城

礪前

埕口

石井

三江

新浦

石獅

湖邊

澄港

崎頭

凡一十二所
屬平海衛

文甲

山柄

西山

火頭

東湖凡五所屬

民兵

國初衛所設置軍伍各寨巡司編僉弓兵皆以防禦寇盜景泰間柄兵者建議凡臨敵失一軍以上與失机罪同而民兵之制起矣

巡司

前志論曰巡尉職邏警宰四封非冗官也本朝周江夏經營炎海于吾郡東南建平禧衛所又念南日湄洲至迎仙環海二百餘里踈節濶目非一衛一所能遙制之乃于隙處又設六巡司司各有寨城有官有射手百

間雜以房帳墩臺斥堠相望壯哉昔人之紆策也自兵政陵夷巡警失職當道者遂贅疣之乃減削射手數移以餉水陸兵存在寨堡僅三之一耳不知六司絡繹分則自衛疆場合則以五百兵併力勦捕懸軍挿羽唇齒相依又附寨村落去郡城迢遠有警各攜老稚挾衣糧馳入寨城避鋒鏑此又堅壁清野意也昔賢才智豈下今人而故輕變置之胡為乎昔宋燕達守延州懷寧砦以五百兵破羗胡三萬騎彼其官非巡尉其兵非射手耶

客兵

開中陸設衛所海立水寨皆是本地軍兵原無客兵名
目自嘉靖寇起始設叅將遊擊帶領各處客兵四十三
年專設中路守備二員以都指揮體統行事福州興化
平海泉州永寧各衛所軍并興泉二府陸路客兵守備
衙門坐鎮本府取道適均有警便于應援除泉州一營
外本府二營初只分割城內民舍隆慶六年始置營望
望仙門內曠野去處每遇操練調入城內教場校閱春
秋二汛移屯平海莆禧吉了城內萬曆十九年添設一
營曰興泉營本府北門外安置至二十年改為興化新
營俱守備領之二十五年以有朝鮮之警復設右營一

營北門外西庚地方屯札以舊營為前營新營為左營
共三營設遊擊領之遊擊二十四冬軍門三十一軍
門朱運昌將右營一營調守平海建城安插前左二營
營仍駐守府城團練防禦汛期每營撥守一哨出守賢
良文甲濱海扼要地方量撥兵隊分扼三江汛畢撥兵
二三十名哨探信地以防不虞收汛全營操守

水兵

國初立水寨三烽火門屬福寧府南日山屬興化府浯嶼屬泉州府
恭間增置小埕屬福州府銅山屬漳州府共五寨後以各寨在漲
海中無援奏移內港本府南日一寨移入新安里吉

了灣官府文移仍以南日水寨稱當時撥興化平海泉
州三衛旗軍充為舟師各衛撥指揮一員提管所部之
軍謂之衛提又選各衛指揮才能出眾者曰把提行事
視都指揮而衛提聽節制焉興化衛指揮一員平海衛
把提指揮一員泉州衛把提指揮一員南北海洋哨捕
百戶六員守備雙嶼改移三江口指揮一員成化年間
巡撫都御史張瑄欲軍休息分為三班上班今年二月
下明年二月下輪流更代衛提一年一
換把提五年一代不欲數易以廢寨事昇平日久武衛
廢弛倭船多由內港登岸蓋內港山灣崎嶇賊舟窄小

易趨淺水而兵船闊大難以迎敵皆為無用之器嘉靖
四十二年軍門譚綸巡按李邦珍提兵戚繼光會議
題請復舊制五水寨以扼外洋將烽火門南日山浯嶼
三艚為正兵銅山小埕二寨為遊兵選各衛指揮千百
戶有才力者充五寨把提以都指揮體統行事分信地
明斥猴巖會哨定功罪五寨兵船每寨各屯劄二哨又
分二哨屯劄大洋賊船必經之處其餘各寨附近緊要
港灣則分哨往來以防內侵又于道里適均海洋定為
兩寨會哨之地蓋倭賊由浙而南則烽火門為先故分
兵屯劄于烽火以上之井下門而與浙船會哨南則與

小埕會哨于西洋山屬羅源縣小埕則分割于西洋而與烽

火會焉南則與南日會哨于梅花所之南茭南日則分

割于松山下又移至南茭與小埕會焉本寨屯割兵船

則移至平海衛前與浯嶼會哨浯嶼則分割于湄洲山

而移與南日會焉又兵船二哨屯割于料羅移至坦嶼

與銅山會哨其銅山兵船則二哨屯割浯嶼又二哨屯于

沙洲山由此而南則為廣東界矣信地既定兵勢聯絡

賊寡則各自為戰賊眾則合力併攻以擊外洋之來賊

為第一擊去賊次之失賊弗擊與致賊登岸者查照信

地論罪五寨把總俱屬督府監軍道提督惟銅山一寨

去省路遠聽該道于漳州調閱隨汛督發本寨坐駕官

員把總以都指揮體統行事指揮僉事一員協總一員

前後左右各哨官一員各衛所抽充本寨征操軍共八

百九十八名分駕哨船十隻自是夷遭創距嘉靖二十四年為總

兵威繼光邊境稍寧萬曆二十四年夷酋閩白侵犯朝

鮮羽書雜沓海上戒嚴巡撫都御史金學曾委分守張

鼎思都司鄧鍾躬歷信地規畫萬全議 題請添設崙

山海壇湄洲浯銅玄鍾臺山彭湖諸遊于一寨之中以

一遊間之寨為正兵遊為奇兵錯綜迭出巡檄既周敵

勢亦猛且寨與寨會哨東西相拒南北相抵而支洋皆

天下郡國利病書

卷九十一 福建

天下郡國利病書

卷九十一 福建

三

在所搜遊與遊會哨東西相距南北相抵而旁灣皆在所及如閩浙分界則烽火門為先蓋倭船必由此南下

扼要津守門戶誠閩防之一大關鍵也始倭之通中國寔自遠東今乃

從南道浮海率自温州寧波以上風東北汎自彼來此可四五日程蓋其去遠甚遠而去閩海甚邇也故

烽火全力守官灣北與浙船會哨而南與小埕會于羅

浮小埕兵船二艘一艘屯西洋一艘屯竿塘北與烽火

會哨而南與南日會于松下南日兵船二艘一艘屯苦

嶼一艘屯舊南日北與小埕會哨而南與浯嶼會于大

小岞浯嶼兵船二艘一艘屯崇武一艘屯料羅北與南

日會哨而南與銅山會于坦嶼銅山兵船二艘一艘屯

鎮海一艘屯沙洲北與浯嶼會哨而南與廣船會若諸

遊屯剗則崙山屯西洋礮山臺山屯東湧官灣海壇屯

蘇灣龍王宮湄洲屯賊灣大小岞浯銅屯坦嶼等處而

會哨則北標與海壇會于下木海壇與湄洲會于西寨

湄洲與浯銅會于圍頭浯銅與南灣會于陸鰲信地分

明兵勢聯絡大都規模建置不外戚搃戎範圍中也寨

遊俱屬分守巡海二道搃鎮遊擊提督及清軍海防同

知稽覈

自倭變之後議者三江地方以為我郡門戶海流至此

分為三路一路稍北通端明陡門入北洋涵頭等處一

路稍南通林墩陡門入南洋黃石等處中流通寧海橋
 直抵熙寧橋白湖等處距郡城二里許計自海洋入三
 江口自三江口入郡城不半日可到議設指揮一員守
 備防汛之時撥軍一百二十名灣船六隻坐駕防禦至
 收汛之時撥軍三十名調船二隻巡守萬曆二十七年
 分守馮孜以指揮無益防禦徒肆漁獵遂議裁革然亦
 因噎廢食之論近同知江懋功議春秋二汛收泊三江
 之劉灣有警便于四應已經題允遵行

南日寨兵船收泊劉灣及區畫南日山事宜夫兵船當
 汛時碁布星列在在周防可無置喙惟收汛時碁布
 船盡入泊吉了內灣但湄遊與吉了不遠泊之于此
 發或收無甚阻關至若南日四十餘艘併聚此灣既非

五都之衝又無扼要之險不過藉以避颶免震蕩耳
 然自吉了沿崖一帶以至莆禧平海一當發汛之時北
 嶼五六百里無舟停泊瞭守空虛萬一倭帆據我上游
 風迅烈大艘團聚吉了之中卒難出灣而遇群虎也合
 雖有二三小防將涓洲遊兵原泊吉了以南遠日寨船
 無泊于三江今復親履其地遍覽形勢去三江不遠日
 撒泊者四山蕃蔽又且寬廣更善于三江昔戚繼戎曾泊
 灣于此矧在三江口外為南日右哨信地况南日前哨
 船于去此僅二潮水左哨萬安去此僅一潮水右哨南
 若嶼去此僅二潮水左哨萬安去此僅一潮水右哨南
 日山西寨去此僅二潮水左哨萬安去此僅一潮水右哨南
 達隨發隨至孰與遠停吉了之阻哉若夫南日山居民
 始馬浮居今成土著徒擅沃饒之利罔顧堂幕之災今
 既不戢能徙而之他獨不可預為安全之策誠如宋時沿
 邊弓弩射之法倣而行之擇其丁壯時其訓練獲倭者
 叙之擒盜者賞之若虞其獷悍也則以鄉保倡鄉民未
 必逆也若虞其費也則以船器充兵器未也若
 虞其鳥獸散也則南日山四面阻海勢無所逃也惟
 矢之備于民難需古矢取之無禁用之不竭乎至于築
 况從高擣下尤捷于矢取之無禁用之不竭乎至于築

堡之議誠為萬全但費鉅工煩取民則歛怨取官則無
資有未易言者惟擇要地一墩臺取其足以備一時
之瞭望早知備禦可也如此則鄉兵虎視于南日樓船
龍矯于要津陸營鷹揚于沿岸殺勢相倚應援交濟藩
戶固矣

中路遊擊

嘉靖間倭薄興化福建撫按請置叅戎以專統領
復罷叅戎而置守備以都指揮體統行事萬曆二十三
年題請改遊擊衙門欽降旗牌三面勅書一道
加設中軍把總一員哨探把總一員掌號把總一員以
便彈壓其管轄水陸南日一寨海壇湄洲二遊興化前
左右泉州新舊共五營欽依名色各把總悉聽節制自

福州左右中鎮東興化平海共六衛莆禧萬安梅花共
三所巡簡一十八司大小職官凡有浚削月糧及包軍
呂屯大者申文小者輒自約束

天下郡國利病書卷九十二

福寧州

鄉堡

州松山堡

一都十里

赤岸堡

二都十五里

三沙堡

五六都州東北六十里舊置烽火

牙裏堡

水寨後以孤島無援烽火徙松山

橫山堡

雲陽堡

俱七都州東

湫村堡

天下郡國輿地勝覽
卷之二十三
福建
二

才裏堡

才外堡

秦嶼堡 俱十都州東北一百里
筭管巡簡司今徙此

屯頭堡

黃崎堡 俱十一都州東北
一百一十里

水嶼堡

澳腰堡

釣澳堡

南鎮上澳堡

下澳堡

甘家崎堡

嶼前堡

店下堡

沙埕堡 近浙莆門今成鎮市委官抽
稅烽火官兵守之俱十二都

異城堡 十二都十三都州
東一百二十里

小村堡

流江堡

南崎堡 俱十四都州東
一百四十里

前崎堡

蔡江堡



天下郡國輿地勝覽
卷之二十三
福建
二

窩口堡

俱十五都州東
一百五十里

桐山堡

高家一姓所築今蘆門巡簡司徒
此十一都州東一百五十里

塘底堡

都十九

藤嶼堡

二十都州東北
一百一十里

東安新堡

與柘洋巡簡司城隔溪嘉靖己未年
築三十一都州西北一百二十里

南屏堡

沙哈東西二堡

四十都州南
三十三里

古縣沙塘堡

上洋堡

下村堡

甜澳堡

洪江堡
四十一都州
南四十一里

漁洋堡

武曲堡

傳臚堡

四十二都州
南三十五里

小麻堡

厚首堡

武崎嶼堡

長溪堡

積石堡

湖羅堡

問峽堡

俱四十三都州南五十五里高羅巡簡司今徙此

崇源堡

四十二都

竹嶼堡

四十四都州西南五十五里

霞江堡

塗灣堡

四十六都州南四十五里

長邊堡

四十八都州南七十里

文星平堡

五十一都州南一百里

下澣堡

延亭巡簡司今徙此

塘頭堡

萬曆元年海賊破堡殺戮殆盡

赤崎堡

俱五十三都州南一百里

按海濱南有大金北有松山俱屯重兵巡司居中先年屢議裁革况今弓兵十二可當勁敵乎如南鎮流江既設哨兵則青灣筭管二司量存其一而大箬哨兵居守延亭則延亭為冗員且四巡司兵燹之後舊址荒榛僦居州城即今青灣移牙裏筭管移秦嶼延亭移下澣高羅移問峽蘆門移銅山皆非舊地秦順高塲原為大盜營窟居民騷擾累歲不休乃置蘆門巡司今棄蘆門而桐山矣脫曠寇復作將誰移乎至于鄉堡之設有司聽民自築不免多濫如古縣一村

而三堡鼎建沙哈一埠而二堡角立似宜併而為一
庶便于守不然力弱勢分鮮克濟矣

福安廉村堡 三塘堡 鹿灣堡 黃崎鎮堡 白石巡檢司今

移于此 蘇洋堡

廠隘

州東關 東門外建善寺前

西關 西門外

西城關隘 涵口巷南養濟院邊

倒流廠

官田

湖坪

楊家灣

錢王

龍亭

王頭陀

杜家

蔣洋 以上東北路上截

五蒲

萬里林隘 原盜窟嘉靖戊子同知趙廷松建康夷樓以兵守之

虎巢

天下郡國利病書 卷九十三 五

白琳

王孫乞兒廠

巖前

馬山頭

半嶺

水北

分水隘

以上東北
路下截

九島嶺

十八摺

棲聖嶺頭

鴛鴦隘

白箬隘

以上
西路

九家灣

暗橋

以上
南路

福安大菜

松羅

中嶺

五嶺

寧德南城關

今名龍門嘉靖間縣
丞李詔設民兵把守

南靖關

在二都縣東五里山嶺頭羅源
界嘉靖間開路設民兵把守

天下郡國利病書 卷九十三 福建 六

天下郡國利病書

卷之三

六

白鶴界

金岳界

閩坑界

烽燧

州中軍瞭望臺

龍首山東

松山烟墩

臺嶼

並一都

後崎

賴離

州離智

烽火峯

東壁

大青浩

小青浩

並五都

梅花

七都

南金

金家山

三石

大峯

並八都州東北八十里

黃崎

天下郡國利病書

卷之三

福建

六

白巖 十一都

南嶺

白露

水澳 十一都

沙埕 十五都

古縣 四十都

右二十一墩並洪武二十年置福寧衛撥兵把守

長門烟墩

北山嶺

積石

閭峽

赤崎

南山

小南

羅浮 並四十都

下澣

塔尾

青山

界石 並五十二都
南七十五里

石湖

下簞

車安

劉全

關崎

右十七墩並洪武二十年置大金定海撥軍哨守

古關

分水嶺

疊石關

後溪關

營頭關

古寨

三沙

青灣

丁家

小箕簞

黃崎

大箕簞

南鎮

水澳

下澚

並五十
三都

與溫州平
陽交界

在十八都
水嶺皆閩
東一百六十
里與分

在拓洋閩
王時立宋時
建寧賊范汝
為由政和
歸

在四十八都
來攻長溪人
姓王廢者率
守吳賊不得
過而歸

在五

在都

在都

在都

在都

在都

並一都

並在十二都
通前八寨皆
洪武間置福
寧衛軍防守

延亭

西白 並在五十三都

車安 三都

高羅 在四十二都通前四寨皆洪武間置大金所軍防守

箬頭寨 五十三都先年曾移烽火寨于此

莆門鎮 在十四都與温州界

軍政

州初惟有衛軍與民壯無所謂土客兵也嘉靖間倭變選軍五百餘名于本等月糧外各給飯食銀三錢謂之軍兵又選民壯及募鄉兵共五百名各給餉銀有差謂

之民兵巡道舒公春芳令習邊銃鳥銃倭賊攻城而不能犯銃之力也嘉靖三十六年倭寇犯閩孔棘于是軍民兩兵罷而土客兩兵出矣嘉靖間土客更易不常萬曆初年募松溪政和等處土兵一營駐劄城西名左營後增募一營駐劄城南名右營十九年軍門趙公叅魯以倭警復從本道李公瑄議募浙兵以一營防守鑑江為一州二縣之應援汎畢撤回團練駐劄城東名福寧營三營並峙兵威振矣不戢而焚尚厓當事者之慮也五年考選軍政衛所指揮千百戶才堪備倭者即署備倭職銜烽火寨把總以福建十六衛中選一員任之衛

摠聽把摠節制以福寧衛福州中左二衛中選一員任之又選千百戶分守海洋要害至嘉靖末年議把摠奉欽依一員衛摠罷設協摠一員至萬曆初年亦罷而千百戶諸員不用矣

論曰州之沿海有墩臺以瞭外洋各路則有廠隘分兵哨守此陸路之扼塞守在堂階矣至于海洋則官澳鎮下門閭峽大金為內地之咽喉臺山崱山七星礪山為外洋之門戶既入內地則東南之陸路寨嶼三沙為最要至松山則去州十里而近西南之陸路閭峽大金黃崎下澣寧德鑑江為最要至漁洋則去

州亦二十里而近倭奴之來也不乘南風則乘北風然南風則入吳越為最便北風則入閩為最便舊制設烽火于五六都三沙海面正統九年以海面風波不便泊舟乃移寨于一都之松山把摠一員則由兩院舉薦兵部選差奉欽依以都指揮體統行事仍設中軍遊把摠一名領兵哨守往來應援各處要害故不謂之寨而謂之遊萬曆二十年改守備為叅將節制水陸改中軍遊為崱山遊二十八年增設臺山一遊春秋二汛叅將摠鎮崱山分遣陸兵守各要害水兵則烽火寨把摠素屯松山分前哨于官澳後哨

于斗米澳左哨于鎮下門右哨于三沙舊烽火臺山
崙山兩遊各守本處可謂周于慮矣戚都護元敬有
言曰防海有三策海洋截殺毋使入港是得上策循
塘拒守毋使登岸是得中策阻水列陣毋使近城是
得下策不得而守城則無策矣吁格言哉

戶口

按周禮司民掌登萬民之數自生齒以上歲皆登下其
死生至察矣然古者一國僅足當今之一縣又司民世
守其官視編列若支屬也安能隱其子孫之多寡且役
民之制家無過一人歲無過三日居君之土食君之毛

曾何愛于三日之力以抵欺其主上哉洪武三十四年
戶給一帖以書丁產歲覈于有司十歲而登之黃冊然
郡邑大夫數歲一更若過賓之于傳舍不甚急也而戶
帖遂廢吾州之籍自嘉靖以視洪武戶減三之二口減
五之三自今以視嘉靖不能加其什一雖或時有盜賊
荒札之灾而以數十年之生聚乃不足以補一年之耗
則隱口之弊不能謂其必無顧令甲役民之制丁賦三
錢以備直計之是一歲之役五倍于周而興事任力又
不與馬上但期于足用不必計于隱口與否下雖受重
役之名而寔分輸于數丁上下固兩得之矣第此惟族

姓無夥者得以蒙浩蕩之恩而單門弱戶分無所之重
役如故至于以有身為患不亦悲乎

隆慶志

網派

國初之制以一百一十戶為一里同一格眼冊謂之一
圖惟其丁糧多者為長在城者坊長在鄉者里長每圖
分為十長每長屬以十戶為甲首州縣每年役其一長
使供公事用度使奉公事役使十年而周十長既周復
編如故當在國初官吏守法量入為出而民無愁嘆之
歎其後法網雖疎暴官或剝民以媚上奸民或瘠人以
肥己于是成弘之間乃令見役里長隨其丁田賦錢輸

官以供一年用度者謂之綱以僱一年役事之傭者謂
之徭既出此錢則歸之農惟一里長在役以奉追徵勾
拊然法雖具而所入不供所費則又倚辦于里甲里甲
既輸錢而又治辦則向者所賦之錢悉充縣官私橐是
重利縣官耳于是乃不賦錢第復國初之制以丁糧定
班綱則使之自供用度然而官吏益視里甲為外帑糜
費無厭不至盡破其家不已徭則有銀力二差銀差輸
官加者不過權衡之贏力差則註榜數兩而費至數百
兩者有之夫勞其一年逸其九年法非不善也然有治
法無治人乃使一年之勞盡傾其數十年之積役法之

弊至此而民殆不堪命矣至于賦法雖仍舊制但條目煩瑣愚民不知其云何輸此責其負彼輸彼責其負此里長愚則昏欺其里甲里甲黠則昏與里甲共欺其甲首萬曆六年龐都御史尚鵬奏行一條鞭之法總計米之石所當輸糧稅科之數丁之一所當輸鈔科之數又總計一州一邑綱徭兵站歲費幾何分派于丁米官以其所輸者為之僱役舊之九逸一勞者今以十而勻之吾州之條鞭每米一石除存留本色輸倉外合折色夏稅科綱徭站民壯共徵銀一兩三錢七分有奇每丁合益鈔綱徭兵共徵銀三錢此其大凡耳若遇科舉及他公費多則增少則減然亦無幾也民但計其丁米當輸幾何不^必知其某賦幾何某役幾何至于見役之年但存其名而一切公事公費皆不與焉官但計民之丁米當輸幾何亦不必知其某賦幾何某役幾何至于公事公費一切不以恩民蓋自條鞭之法行而民始知有生之樂雖三王之政何以加此然其所當用之財與其所當役之人未嘗盡廢也今列其數于左

建寧府

浦城縣

塔嶺隘 在章里

筋竹隘 在畢里

小峰隘 在通里

劉源隘 在官田里

長叫隘 在高泉里 距龍泉縣一百里 西距縣治一百

巖坑隘 在高泉里 距慶元縣界 西距縣治七

毛源隘 在高泉里 距慶元縣界 西距縣治六十

小坑隘 在高泉里 距慶元縣界 西距縣治六十 東

南溪礮頭隘 在大石里疊石為門西距縣

葛山隘 在大石里西距縣治八十

溪源隘 在郊陽里蔡家嶺根西距縣治五十里東至龍

里北至雁塘里卜井

黃二仰隘 在登後里東源尾南距縣治八

牛嶺隘 在雁塘里西距縣治八十里北接遂昌

豪嶺隘 在孝悌里北距縣治一百里東至龍泉縣二百

溪縣界

翁源嶺隘 在上元里北至縣治七十

礮溪隘 在孝悌里北距縣治一百里東至龍泉縣界二

松溪縣

松溪縣

松溪縣

寨嶺隘 在忠信里南距縣治八十里東至遂昌

靖安隘 地鄰永豐正德七年調兵把截饒寇一時

楓嶺隘

竿頭隘 正德七年立匾曰新闢已上三隘俱安樂里隘

各有望樓一間

松溪縣

鉄嶺隘 在東關里東距縣治

寨嶺隘 在東關里西距縣治

岩下隘 在飯伏里東北距縣治

黃沙隘

在永和里北距縣治四十里與慶元縣界

山庄隘

在永和里北距縣治五十里與浦城慶元縣界

黃土隘

在永和里東距縣治六十里與浦城慶元縣界

荷嶺隘

在豪田里南距縣治八十里與浦城慶元縣界

翁源隘

在慶元里南距縣治四十里與浦城同也

政和縣

嶺腰隘

在感化下里一都西距縣治三十里距嶺頭隘一十五里東連慶元縣界其地兩山突起峻絕

險阻

填頭隘

在感化下里四都至縣一十五里其地兩山夾聳中瞰深溪地連溫處防制亦與浦城同

壽寧縣

西溪小青田隘

在北隅四都去縣西三十里與慶元縣界

葡萄隘

在政和里七都去縣西南一百四十里與古田政和慶元三縣界

碑坑隘

在政和里八都去縣西八十里與慶元縣界

下黨坑頭隘

在政和里八都去縣西八十里與慶元縣界

峽頭隘

在政和里十都去縣西八十里與慶元縣界

洋婆基頭隘

在政和里十都去縣西七十里與慶元縣界

白巖後隘

在政和里十都去縣西九十里與慶元縣界

青草坳隘

在政和里十二都去縣西一百里與景寧縣界

三坑隘

在政和里十二都去縣西一百里與慶元縣界

黃洋四隘

在政和里一百二十里與泰順縣界

石門隘

在政和里八都去縣西一百三十里與政和縣接界地瀕山海隘制與浦城同

延平府

正統十二年監察御史柳華按閩時承平日久境內晏然華至檄各郡縣凡城郭鄉村之中大小巷道首尾各竝立一隘門門上為重屋各置金鼓器械于其上又于鄉村各立望高樓乃編其各鄉居民為什伍設提小甲以統率之夜則輪番直宿于隘門之上鳴鼓擊柝以備不虞有不從令者聽提小甲懲之而不悛者許提小甲聞官處治由是提小甲各得號召其鄉人而強梗狡猾之徒徃徃別生枝節以侵奪其民沙有鄧茂七者及其弟茂八時編為鄉之提小甲鄉舊例有佃人之田者歲還

天下郡國利病書 卷之九
租穀外有鷄鴨之類以餽田主辭曰冬牲茂七倡鄉人
革之田主不敢與較既而又倡議以為鄉民佃田其合
還之租各令田主自備脚力擔負以歸不許輒送其家
田主因訴縣逮之茂七等率眾拒捕不服縣乃下巡簡
司追攝茂七等因殺弓兵數人縣遂以聞于上遣民壯
三百人往捕之茂七等又聚眾格殺官兵殆盡至是勢
不容已乃刑白馬祭天歃血誓眾遂舉兵反時十三年
之二月也旁近尤溪縣民亦聞風而起烏合之眾旬日
間至十餘萬人于是僭稱王號偽署官職八郡騷動詔
遣兵討之以都督劉聚為總兵都督陳韶劉德新為左

右叅將僉都御史張楷監軍賊猶未下十四年復命寧
陽侯蔣懋為總兵保定伯梁瑤平江伯陳懋崇信伯劉
釗為副總兵都督范雄都督僉事董興為左右翼總兵
太監曹吉祥陳梧為監軍刑部尚書金濂叅贊軍務御
史丁瑄張海記功是年二月茂七率眾來攻郡城與官
軍戰于水南為亂兵所殺福建始平景泰元年其餘黨
羅丕等復率其眾寇沙縣 朝廷又命范雄及太監康
秀奉御馬討平之于是推究致亂之原置柳華于辟
嘉靖四十年山寇蘇阿普傳詔五等聚眾攻掠沙縣尤
溪永安大田火焚城外民廬以千計郡守周賢宣以計

勤之餘黨遣林天贈引諭招降賊方平

沙縣

三代寓兵于農之制遠矣漢有南北諸軍唐有府兵宋有衛禁諸兵法皆有因中或變壞惟我朝軍衛不循古始創較畫一內設親軍都督府外立都指揮使司以叅統之衛有定所額有定數軍之僉統皆各州郡之罪譴者既羈其身以隸夫衛籍復別其家以異夫民戶有所逃亡列于兵部移單原戶取補之歲月既久逃亡已多冊籍貿亂于是特差憲臣而郡縣復專其官于佐貳每歲一清理焉他不能知自沙言之其殆絲瑣妨民費縻而不適于用者乎何則凡軍之清不論有無通都排

年里老悉行赴官造為冊結老幼逃絕據紙上之陳耳
復解之府拘集勞候比縣加重且久焉開單勾取本無
買補者固不待論其有丁可解者則長解之編輪道路
之盤用司府之倒換相繫踰旬往時返動萬里然解者
文未銷回而所解之丁已先至其家或避而之他者多
有之矣因仍輾轉行戶何由寔勾取曷從已乎夫軍事
之大者也所以壯國威而備非常制四夷而寧禍亂坐
視銷缺固不可然徒妨民而無益亦豈盛世之宜乎是
故司國柄者不可不為之所也
糧之出于田也由毛髮之生于肌體也有是田則出是

糧有是肌體始生是毛髮曷為乎其浮也江淮河海之
濱沙流之轉徙潮汐之蕩泊地去額存或不免焉以沙
言之負山阻溪生齒既繁開墾日益惟加增可耳烏乎
浮議者多謂鄧賊亂平之後認辦不全永安分析之餘
規畫未盡然此特其一耳以今觀之要皆奸狡之飛詭
而豪雄者之欺隱矣乎監臨者間嘗持檄清之意非不
美也其所據以即事者推收之錯悞者耳至于冊籍之
改洗段落之易移正管之失寔則固未之能悉也而自
謂足以盡之不其過乎舊有清浮糧冊在于戶房夫糧眾役所從起
也富者田連阡陌坐享無苗之利貧者地無置錐反多

數外之賠富益富貧益貧其不均有如此者民之病孰為之大乎嘗計環沙之域五百里而儉山林溪谷之外為田無幾固可履畝而核也誠得夫精敏幹練之人按其都圖逐一丈量三月之前凡占有田者責其質劑之文契取租之簿籍分析之家狀舉封送官有欺隱者聽其首報查果相同惟升將來之科不究已往之失其不然者不惟升科而已并追罰其積年之獲與罪焉持以至斷以必行半載之間可刻期而畢矣夫如是則田田畝明田畝明則糧苗寔糧苗寔則冊籍清而差役定貧富均而奸隱絕不惟去其額外之有浮寔足以定無微

之賠補一勞永逸其利夫民也不特小補也已

以予觀于沙也而知 國家于民也法之周也取之悉

也民之應乎上也其力竭也官職之未易脩也寔惠之

未易徧也化理之不易章也何也古者什一而稅役于

民者歲三日漢唐盛時三十稅一二十始傳與夫祖庸

調已矣宋中葉後外奉夷狄內崇侈靡民不堪命竟趨

于亡元起朔漠科條減省惟法制不立貪墨縱肆耳我

朝聖祖應天啟運稽古定式中正明當遠婉成周草

創之初蠲詔屢下祈天永命之基端在是矣百餘年來

蠲免未聞而州縣之征則日趨于繁且重焉自沙言之

糧出于田差本乎丁固矣而又有軍與匠馬魚課鹽糧馬
六分丁料馬綱銀秋祭馬驛傳水夫民快工食馬府縣
之流差馬計其一歲之所出為糧五千八百石餘為銀
一萬四千九百兩餘而官吏之 楛稱納之加添額外
之摘補無礙之科派不與馬司以是責之府府以是責
之縣縣以是責之里甲雜然而並至卒然而取應里甲
之中夫長有奸良丁戶有逃移里地有遠近糧產有虛
浮天時有旱澇固不能一律以齊也則必比併之拘繫
之鞭棰之矣而又加以訟牒之究詰往來之迎候前後
之積垛如是而欲嗚琴卧閣不亦難乎上之稽乎其下
某件已未完而已矣下之自計其績某件已解完而已
矣此之未能則雖龔卓之行夷憲之節不免于議矣茲
為職豈易于修而况夫化理也哉嗚呼國家之所以設
官與官之所以自負民之所以為望者固非止于是也
而其勢則不得或易也雖然即其急緩而為之後先調
其分數而與之節制因法以施而不倚法以病如朱子
所謂民不告勞而官無廢事中智之士則殆庶幾矣夫
竊有志而未能逮也材哲者自當以賢聖為期三代既
降人物又何足云乎哉

天下郡國利病書
卷九十三
三

汀州府

長汀縣

古城寨

在縣西六十里屬古
貴里今置巡簡司

白花寨

在縣東南一百二十里屬宣
其上一四圍險塞可容千餘人鄉民避患于此

猶遺存距

九磔隘

路通江西
瑞金縣界

隘嶺隘

路通瑞
金縣界

鎮平寨隘

路通江西
石城縣界

七嶺半嶺隘

路通石
城縣界

牛姆山下隘

路通江西
會昌縣界

天下郡國利病書
卷九十三
福建
三

桃陽洞隘

路通瑞

分水凹隘

路通江西會

黃烽嶺隘

路通武平縣界已上八隘俱巡撫都御史

寧化縣

安遠寨

在下土今

邱源逕隘

石灰嶺隘

楊梅逕隘

礮頭嶺隘

芒荃逕隘

以上五隘俱巡撫都御史

上杭縣

梅溪寨

在縣東二十五里梅溪口

雷公寨

在縣西北

石壁寨

在掛袍

武婆寨

在勝運里

王家寨

在勝運里

丁光圍寨

在勝運里上南已上五寨昔

新城長嶺寨

寒波隔隘

逕磯石隘

在溪南里

狗悶嶺隘在勝運里

桃牌嶺隘在古田里

洋頭嶺隘在白沙里以上六隘俱設

武平縣

三摺溪寨在三摺溪之西當汀贛潮三州界之

象洞寨在縣南一百里

永平寨在縣南四十五里地名帽

水口山下隘

金雞嶺隘俱通上

章金地隘

鉢孟嶺隘

簇坑隘俱通程

龍溪隘俱通安遠會昌

黃田隘今移永平寨

背寨隘巡簡司于此

崆頭隘

湖界隘三隘俱通

蟠龍峒隘通程鄉

鄭家坪隘通安遠

檀嶺隘通藍屋

清流縣

北寨

在縣北即屏山三頂下險上平元行省平章陳有

存基猶

南寨

在縣南山勢險峻頂上寬平可容千人元陳有

石龍寨

在縣北十里許山峻頂平左通寧化元

連城縣

北團寨

元在縣二十五里後燬

冠笏寨

在蓮峯

旗石寨

在縣南

西寶寨

順在縣西田心

馬鞍寨

在縣東南順

城石寨

在縣東坊北

山容寨

在縣東溪源

石嵩寨

在縣北

涼傘寨

源在縣南河

張源寨

在縣南河源

團兵寨

在縣南表席

旗山寨

在縣南表席

石榴寨

在縣南表席

金山寨

在縣南表席里朗村官庄以

秋家嵐隘 在始田里東北通永安等處山形險峻約五十餘里

廖天山隘 在始田里南路龍岩山路崎嶇林木障蔽約二十餘里以上二隘弘治初年奉巡撫

都御史金澤榜文設

歸化縣

明溪寨 在縣西二里土坊宋設巡簡土軍戍守于此今廢

中定寨 在柳陽岡宋設官兵巡戍于此今廢

平安寨 在縣治後山上高而險隘頂上寬平元末行省平章陳有定立柵屯戍今基尚存

萬安寨 在縣西四十里柳楊宋曾氏婦于此立五寨以禦賊平賜名萬安古址猶存

黃楊寨 在縣東八十里岩前宋設巡簡土軍屯戍今廢

南平寨 在潭飛磔宋設官兵巡戍今廢

北安寨 在招賢里宋設官兵守戍今廢

沙溪隘

淳化隘

鉄嶺隘

夏陽隘 以上四隘俱巡撫都御史金澤添設

永定縣

興化寨

太平寨

三層嶺寨

摺灘寨 在縣西南

溪南里

福建

錦豐窰隘 在縣南溪南里路接廣東界

三層嶺隘

楊梅嶺隘 在縣東金豐里

緣嶺隘 在縣東豐田里路接漳州界

蔡坑隘 在縣西北勝運里已上六處俱係舊隘

水槽凹隘 在縣西北勝運里

大富隘 在縣西溪南里

金雞嶺隘

河頭隘 在縣南溪南里

箭竹凹隘

武溪隘 以上六處俱巡撫都御史金澤添設

天順六年上杭溪南賊反先是溪南人李宗政憤疾邑

之豪富侵奪有司弗禁乃招誘流亡聚眾攻破縣城縱

兵劫掠監軍暨三司官駐兵汀州恃城自保不敢進監

察御史伍驥安福人奉命按福建道至浦城聞事急

徑馳至汀州府檄三司進兵眾猶豫公獨攜數百人直

抵上杭因一致仕教官諭以朝廷意明日賊下寨來

者數十人驥諭以禍福皆感泣賊聞而降者數萬人其

渠魁亦欲降會有議給其降而誅之者賊謀知遂復反

驥躬督將士逼賊巢而營賊悉力來拒驥命都指揮丁

泉領奇兵出賊後焚其寨戒以勿深入泉乘勝直擣賊營伏發力戰死之丁雖亡賊亦創甚驥督戰益急宗政等皆就擒遂平賊乃班師仍奏設上杭守禦千戶所折汀州右千戶所軍一千餘人以守備上杭城驥因積苦瘴鄉回京疾作而卒

成化十四年上杭縣溪南賊首鍾三等哨聚劫掠鄉邑詔起右僉都御史高明撫捕之未至賊已平明乃躬詣上杭招撫流亡遣副使劉成擒獲賊首黎仲端平其餘黨民既安所乃奏立永定縣

二十三年上杭賊首劉昂溫留生糾武平所千戶劉鐸佃人邱隆等數千人攻掠江西石城廣昌信豐廣東揭陽等縣殺官劫庫三省奏聞添設汀漳兵備僉事伍希閔討平之奏添設其菜鼓樓岡二巡簡司并守備都指揮專駐武平守備

弘治八年上杭來蘇里賊首劉廷用張敏陳宗壽等聚眾攻擊江西瑞金會昌寧都轉掠廣東程鄉等縣就任陞廣東左布政司金澤都察院右副都御史節制江西廣東湖廣福建四省統轄汀贛潮桂等八府地方俾專鎮于江西贛州比照梧州中制事例以撫捕之八月澤蒞任悉平群盜仍具奏每縣添設巡捕主簿一員職

專捕盜

正德二年劇寇李四子等作亂四子廣東程鄉縣人時程鄉石骨都松源等處盜賊竊發武平岩泉里界于江廣李四子乘機結黨搶奪貨物平糶稻穀一時烏合之衆聞風蜂起岩前賊首陳裕應之遂分作二十營寨七年會三省官駐劄上杭四處把截斷其糧道遂擒賊首李四子等梟首軍門招撫脅從而餘黨悉平

十二年岩泉孽寇劉隆等復熾節制右副都御史王守仁平之

